

EMULSIO PURGANS, SEU EMULSIO CUM MANNA.

℞. Emulsionis communis non edulcoratae uncias sex,

Mannae electae uncias tres.

Ignē lento dissolve et cola, tunc adde
Aquae Cinnamomi drachmam unam.

Pro dosi unica.

EMULSIO GUMMI AMMONIACI BRUNERI.

℞. Gummi Ammoniaci drachmam unam et semis,

Aquae distillatae Hyssopi uncias quatuor,
Vini Albi generosi uncias duas.

Subige, dissolve in mortario, et cola.

Dosis pro duabus haustibus.

CAPUT XI.

SUCCI E VEGETABILIBUS.

SUCCUS AGRESTAE SEU OMPHACII.

℞. Uvas acerbas: pistillo continere in mortario lapideo, vel potius inter assulas ligneas

confrica, ut succus omnis stillet, quem per manicam colatum defoeca, et decantatum in vase vitreo, cera obturato, aut pauxillo Olei olivarum superaffuso repone.

Nota. 1.^o Omnes Succos, qui admiscendi sint Unguentis, vel Emplastris, defoecatione non indigere. 2.^o Plantas aridas decocto earumdem irrorandas. 3.^o Omnes Succos acidos vitium contrahere in vasis metallicis, seu fictilibus crusta tantum semivitrificata obductis.

SUCCUS POMORUM GRANATORUM.

R̄. Mala Granata, seu Punica: à corticibus exterioribus mundata, et transversim secta spathula lignea concute, ut grana à pelliculis separata concidant: in mortario lapideo contunde, in linteum immitte, et succum praelo expressum per subsidentiam purifica.

SUCCUS LIMONUM.

R̄. Limones: à corticibus carnosiss separa, medullam succosam manibus preme, confringe,

et à seminibus repurgatam fortiter exprime,
per linteum cola, et succum per subsiden-
tiam clarifica.

Eadem ratione exprimitur Succus

Pomorum Aurantiorum,

Citreorum,

et similia.

SUCCUS MORORUM.

℞. Fructus aut Baccas Mororum: manibus pre-
me, et confringe. Succum expressum per seta-
ceum cola, et per subsidentiam purifica.

Eodem modo extrahitur Succus è fructibus

Grossulariae,

Rubi Idaei,

et similia.

SUCCUS EX CAULIBUS, ET FOLIIS.

℞. Caules, et Folia recentia probè mundata:
in mortario lapideo pinsito in massam, quam
in vase terreo vitreato per aliquot horas, si
opus fuerit, relinque, ut succus coadunetur;

et antequam fermentescat, torculari exprime.
Succum expressum levi ad ignem ebullitione
clarifica, ut foecula secedat, et cola.

Sic extrahuntur Succi

Fumariae,

Cichorei, et similia.

SUCCUS EX FLORIBUS.

R̄. Flores à calycibus mundatos: in mortario
marmoreo pinsito, et praelo exprime: succum
in vase idoneo loco frigido, ne fermentescat,
reponere, ut per subsidentiam clarescat, et per
decantationem separa.

Hoc modo extrahitur Succus

Violarum,

Rosarum,

et similia.

SUCCUS EX FRUCTIBUS CARNOSIS.

R̄. Fructus: radulâ detere, per expressionem
succum elice, per subsidentiam clarifica, et
per inclinationem separa.

160 SUCCI E VEGETABILIBUS.

Hoc modo extrahitur Succus

Pomorum,

Cydoniorum immaturorum,

et similia.

SUCCUS EX RADICIBUS.

Radices crassas per incisionem, et contusionem in massam redige, et succum praelo expressum per subsidentiam defoeca, et decanta.

Hoc modo extrahitur Succus ex Radicibus

Bryoniae,

Elaterii,

et similia.

CAPUT XII.

INSPISSAMENTA VEGET.

INSPISSAMENTUM ELATERII.

℞. Radicis Momordicae Elaterii recentis Q. V.

In taleolas diseca, et in mortario marmoreo conquassa, succum praelo exprime, et